

Mpango wa Msaada wa Kifedha wa Lishe kwa Familia (SNAP)

Tafadhali tujulishe ikiwa unahitaji usaidizi wa kutumia tovuti hii kwa sababu una ulemavu au hauzungumzi Kiingereza. Usaidizi usiolipishwa unapatikana. Wasiliana kupitia Nambari ya Kituo cha Huduma za Msaada kwa Familia kwa 866-311-4287 na/au nambari ya TTY kwa 711. Baada ya ujumbe uliorekodiwa, utawasiliana na mhudumu ambaye anaweza kukuunganisha na mkalimani.

Uzuiaji, Kuripoti na Ukomeshaji wa Wizi na Ulaghai wa EBT

Idara ya Huduma za Kibinadamu ya Tennessee (TDHS) iko hapa kuhakikisha kuwa Wakaazi wa Tennessee wana zana wanazohitaji ili kuimarika kifedha na hutumia kadi za Huduma za Uhamisho wa Mafao za Kielektroniki (EBT) kutoa mafao. Walakini, baadhi ya wahalifu wanaweza kutumia mbinu ya kuiba maelezo ya kadi za benki na mikopo na mbinu nyingine kuiba misaada inayokusudiwa kuzisaidia familia kuimarika kifedha. Tafadhali Kumbuka: TDHS haitawapigia simu au kuwatumia ujumbe mfupi wateja kuomba nambari au neno siri la kadi ya EBT. Ikiwa mtu amewasiliana nawe kwa njia ya simu, ujumbe au barua pepe akiomba maelezo ya kadi yako ya EBT, huenda ikawa ni ulaghai.

Wateja na biashara zinazotumia na kukubali mafao kwa kutumia kadi za EBT wanahimizwa sana kukagua hatua za uzuiaji na mbinu za kuripoti ili kukomesha wizi wa mafao. Bofya Hapa ili kujifunza jinsi ya kuzuia, kuripoti na kukomesha wizi na ulaghai wa EBT.

Je, Mpango wa Msaada wa Kifedha wa Lishe kwa Familia (SNAP) ni nini?

Ukijulikana awali kama “misaada ya chakula,” Mpango wa Msaada wa Kifedha wa Lishe kwa Familia (SNAP) ni mpango wa msaada wa lishe wa Idara ya Kilimo ya Marekani (USDA) unaotolewa katika jimbo. Huko Tennessee, SNAP inasimamiwa na Idara ya Huduma za Kibinadamu ya Tennessee (TDHS).

SNAP inaweza kutazamwa kama daraja la kuwasaidia Wananchi wa Tennessee kufikia uwezo wao kamili kama wanachama wanaojitosheliza ambao wanaochangia katika jamii na uchumi wetu. Katika TDHS, tunatoa SNAP tukiwa na imani kuwa unaweza kuangazia kazi, shule na ustawi wa familia ukiwa na afya bora na wakati huna wasiwasi kuhusu mahali ambapo chakula chako kinachofuata kitakapotoka. Kufaulu katika kazi yako, mafunzo au elimu ya juu zinaweza kuongeza matarajio ya kitaaluma, uwezo wa kupata mapato, na viwango vya kujitosheliza. Fursa hizi zinaweza kusaidia familia yako kujikwamua kutoka kwa changamoto za leo hadi kesho iliyo bora zaidi.

Jinsi SNAP Inavyofanya Kazi

Kwa kufuata miongozo ya serikali kuu, SNAP hutumika kuzipa kaya zinazostahiki posho ya kununua mboga kwa muda uliowekwa unaoitwa kipindi cha uthibitishaji. Katika kipindi cha uthibitishaji, mafao husambazwa kwa kutumia Kadi ya Mafao ya Kielektroniki (EBT). Sawia na kadi za mkopo, kadi za EBT zinaweza kutumika katika maduka yanayoitumia na wauzaji reja reja wa mtandaoni kununua bidhaa ya vyakula. Kiasi cha fedha za SNAP kilichotolewa na muda wa uthibitishaji wa SNAP hutegemea rasilimali na hali ya kaya.

Anayeweza Kupokea SNAP

SNAP inapatikana kwa kaya (watu wanaoishi na kuandaa chakula pamoja) ambazo zinatimiza vigezo fulani vinavyojulikana kama vigezo vya ustahiki. Ustahiki kwa mpango wa SNAP unazingatia ukaaji, umri

na uhusiano, uraia, ukabidhi wa nambari ya usalama wa jamii, kazi, ajira, rasilimali, mapato na mambo yanayohusiana na makato. Mambo haya hayabainishi tu ustahiki wa kaya kupokea msaada wa mpango wa SNAP bali pia hubaini ikiwa hati za ziada zitahitajika ili kaya iendelee kupokea msaada wa mpango wa SNAP baada ya kuidhinishwa kwenye mpango wa SNAP. Kukosa kuwasilisha hati zinazohitajika kama vile fomu za mabadiliko au Fomu za Kuripoti Zilizorahisishwa kunaweza kusababisha kughairiwa kwa mafao ya mpango wa SNAP.

Kujitayarisha Kutuma Ombi la mpango wa SNAP

Ili kupokea mafao ya SNAP, wanaotuma maombi wanahitajika kuwasilisha nakala za rekodi za kibinafsi (hati za uthibitishaji) zinazoonyesha uhitaji wa mpango wa SNAP. Hati hizi za uthibitishaji wa ustahiki sharti zijumuishe nakala za rekodi/hati zinazoonyesha uthibitisho wa yafuatayo:

Nambari ya Usalama wa Jamii (Mfano: Kadi ya Usalama wa Jamii)

Kitambulisho chako (Mfano: leseni ya udereva, kitambulisho cha shule chenye picha, pasipoti, kadi ya mkaazi mgeni, kadi ya I-94, kadi ya usajili ya mpiga kura)

Mahali unapoishi (Mfano: stakabadhi ya mkataba wa ukodishaji, stakabadhi ya bili ya gharama za nyumbani, stakabadhi ya bili ya simu, au leseni ya udereva iliyo na anwani yako)

Mapato (Mfano: stakabadhi za maelezo ya mapato na makato, taarifa ya mwajiri, barua za tuzo)

Rasilimali (Mfano: taarifa za benki, hatimiliki, hati za usajili au hati za umiliki wa ardhi au nyumba)

Gharama za makazi (Mfano: malipo ya mkopo wa nyumba, kodi ya mali, bima ya mmiliki wa nyumba, stakabadhi za kodi ya nyumba, stakabadhi za mkataba wa ukodishaji)

Gharama ya huduma za nyumbani (Mfano: stakabadhi ya bili ya umeme, bili ya maji, bili ya gesi)

Ni vyema kuwa na nakala za hati hizi tayari kwa ajili ya uwasilishaji unapotuma ombi kwa mpango wa SNAP. Uwasilishaji wa hati za uthibitishaji ndani ya siku 10 baada ya utumaji wa ombi kwa mpango wa SNAP kunaweza kufanya mchakato wa utumaji maombi kuwa rahisi na kunaweza kuzuia ucheleweshaji. Unaweza pia kuombwa kutoa maelezo zaidi wakati wa mahojiano ya ustahiki. Bofya Hapa ili kupata maelezo zaidi kuhusu ustahiki kwenye mpango wa SNAP.

Upakiaji wa hati kwa kutumia Wavuti wa Wateja wa One DHS au rasilimali za ofisi ya TDHS kunaweza kupunguza muda wa uchakataji wa maombi. Wateja wanaochagua kutuma maelezo kwa TDHS kama sehemu ya utumaji wa maombi, uthibitishaji au mchakato wa kuripoti wanapaswa kutuma nakala za rekodi za kibinafsi na waepuke kutuma hati asili kwani huenda hati zisirejeshwe.

Maelezo ya Ustahiki

Yafuatayo yanafanua mambo yanayozingatiwa kwa ajili ya ustahiki wa mpango wa SNAP:

Ukaaji. Watumaji maombi sharti wawe wakiishi katika Jimbo la Tennessee ili kupokea mafao ya mpango wa SNAP katika jimbo hilo.

Umri na Uhusiano. Hakuna vikomo mahususi vya umri vya kupokea mafao ya mpango wa SNAP. Wazazi na watoto wao wenye umri wa miaka 21 au chini wanaoishi pamoja wanazingatiwa kuwa kaya moja. Watoto wanaotuma maombi peke yao sharti wawe wakiishi bila wazazi wao. Watu wanaoishi pamoja na wanaonunua na kuandaa chakula kwa pamoja wanachukuliwa kama kaya moja.

Nambari za Uraia na Usalama wa Jamii. Mtumaji wa maombi sharti awe raia wa Marekani, mtu anayetambuliwa kama raia wa Marekani au mgeni aliyetimiza vigezo vya kupokea mafao ya mpango wa SNAP. Baadhi ya wahamiaji halali hawastahiki mafao ya mpango wa SNAP; hata hivyo, wategemezi wa mhamiaji asiyestahiki mara nyingi huwa wanastahiki. Ili uweze kustahiki, wanakaya wote wa SNAP sharti wawe na nambari ya usalama wa jamii au uthibitisho wa kuwa wametuma ombi la ku kupewa nambari hiyo.

Kazi. Ili kupokea mafao ya mpango wa SNAP, watu wengi wenye uwezo wa kati ya umri wa miaka 16 na 59 sharti wajisajili kufanya kazi, washiriki katika Mpango wa Ajira na Mafunzo ikiwa watapewa, wakubali ofa za ajira na hawawezi kuacha kazi. Watu wazima wenye uwezo wasio na wategemezi walio na umri wa miaka 18 hadi 52 wanaweza kupokea tu idadi ndogo ya miezi ya mafao katika miaka 3, isipokuwa wakifanya kazi kwa saa 80 kwa mwezi au kuamuliwa vinginevyo kutengwa kutokana na sheria hiyo.

Mambo Mengine. Wafanyakazi wanaogoma sharti wawe na uwezo wa kustahiki rasilimali na mapato kabla ya siku ya mgomo. Wanafunzi wengi wa chuo sharti wawe wanafanya kazi kwa wastani wa saa 20 kwa wiki, wamejiandikisha katika mpango masomo ukifanya kazi, kutunza vijana wanaowategemea, au kupokea Familia Kwanza. Wahalifu waliopatikana na hatia ya makosa fulani yanayohusiana na dawa za kulevya hawastahiki mafao ya mpango wa SNAP. Watu waliokataliwa kwa sababu za makosa ya ulaghai hawastahiki kwa mwaka mmoja kwa kosa la kwanza, miaka miwili kwa kosa la pili na hawatastahiki kabisa kwa mara ya tatu. Wategemezi wa watu waliokataliwa au wasiostahiki wanaweza kustahiki.

Uchunguzi wa Rasilimali. Kiwango cha juu cha mali ni \$2,750 kwa kaya nyingi na \$4,250 kwa kaya zilizo na mnafamilia ambaye ni mlemavu au ana umri wa miaka 60. Mali ambazo hazihesabiwa ni nyumba ambayo mtumaji maombi anaishi kwa sasa na sehemu yake, bidhaa za ndani ya nyumba, mali zinazoleta mapato, maliasili ambayo inauzwa, thamani ya fedha ya bima ya maisha, mali ya kibinafsi, akaunti za malipo ya uzeeni kama vile IRA na mipango ya 401k, na magari yenye thamani ya usawa ya chini ya \$1,500. Magari mengine ambayo hayajahesabiwa ni yale yanayotumika kwa usafiri wa familia, kwenda na kurudi kutoka kazini, kuleta mapato, kwa ajili ya uwindaji na uvuaji wa samaki kwa ajili ya chakula, kama makazi ya kaya, kusafirisha mwanakaya mlemavu, na kubeba chanzo kikuu cha nishati ya kupasha joto katika kaya. au maji. Raslimali zinazohesabika ni pamoja na fedha zilizopo mkononi, fedha katika hundi, akaunti za akiba, cheti cha amana, hisa, bondi, mali zisizouzwa na malipo ya mkupuo.

Uchunguzi wa Mapato. Mpango wa SNAP hauhesabu ufadhili wa masomo, misaada na mikopo inayotumika kwa ajili ya masomo na ada za masomo, malipo ya ufidiaji, msaada wa upashaji wa joto, mapato ya watoto wenye umri wa miaka 17 na chini ambao wako shuleni na mikopo mingi. Mapato yanayoweza kuhesabiwa yanaweza kujumuisha lakini sio tu: mafao ya kuajiriwa, kujijiri, mafao unayopewa na mwenzi wako baada ya talaka. mafao ya usaidizi wa kumtunza mtoto, mafao ya ulemavu, Usalama wa Jamii/SSI, Ufidiaji wa Mfanyakazi, Mafao ya Kutoajiriwa, pensheni, posho na mapato ya riba. Kaya ambazo zina mwanfamilia aliyezeeka au mlemavu sio sharti zipitishie viwango vya mapato ya jumla lakini ziko chini ya viwango vya mapato halisi. Ili kuona kama unaweza kustahiki, bofya hapa kwa vikomo vya sasa vya mapato kwenye programu.

Makato. Sheria za Mpango wa SNAP huruhusu makato ya mapato, ikijumuisha makato ya asilimia 20% ya mapato, makato ya kawaida yanayotolewa kwa kaya zote, gharama za utunzaji wa wategemezi zilizotumika, makato ya makazi/huduma za ndani ya nyumba kwa kaya isiyo maalum isiyozidi \$624, na gharama za matibabu zaidi ya \$35. kwa wanakaya waliozeeka au walemavu.

Ili kubaini ustahiki, watumaji maombi watahitaji kuwasilisha hati fulani za uthibitishaji. Mifano ya hati zinazokubalika ni pamoja na:

Kitambulisho Halali - Toa moja (1) kati ya vifuatavyo kwa kila mzazi/mlezi anayeishi nyumbani:

Leseni ya Udereva

Kadi ya Usajili ya Mpiga Kura

Rekodi ya Utoaji wa Chanjo ya Idara ya Afya

Kadi ya I-94

Pasipoti

Kadi ya Mkaazi Mgeni

Rekodi za Shule

Uthibitishaji wa Makazi ya Sasa – Toa moja (1) kati ya yafuatayo katika jina la mzazi/mlezi:

Stakabadhi ya Mkataba wa kodi/ ukodishaji

Stakabadhi ya mkopo wa nyumba

Bili ya matumizi

Uthibitisho mwingine wa anwani (kama vile barua iliyo na anwani) ikiwa sio mmiliki/mkodishaji wa makazi

Uthibitishaji wa Uraia wa Mtoto(watoto) - Toa moja (1) kati ya yafuatayo kwa kila mtoto anayehitaji utunzaji:

Pasipoti ya Marekani

Cheti cha Uraia kwa Wageni (Fomu za DHS N-550 au N-570)

Cheti cha Uraia wa Marekani (Fomu za DHS N-560 au N-561)

Cheti cha kuzaliwa

Rekodi za hospitali, zahanati au daktari

Ripoti au Cheti cha Kuzaliwa Nje ya Nchi kwa Raia wa Marekani

INS (stakabadhi za uhamiaji kwa ajili ya watu ambao hawakuzaliwa nchini Marekani.)

Uthibitisho wa Uhusiano wa Mtumaji wa Maombi na Mtoto - Toa moja (1) kati ya yafuatayo kwa kila mtoto anayehitaji utunzaji:

Cheti cha Kuzaliwa (ikiwa mtumaji maombi ni mzazi wa kibayolojia wa mtoto)

Cheti cha Ndoa (ikiwa mtumaji wa maombi ameolewa na mzazi wa kibayolojia wa mtoto)

Hati inayoonyesha mtumaji wa maombi anawajibikia malezi na udhibiti wa mtoto

Uthibitishaji wa Mapato – Toa moja (1) kati ya yafuatayo kwa kila mzazi/mlezi:

Stakabadhi zinazoonyesha mapato na makato ya saa thelathini (30) au zaidi za kazi kwa kila wiki kwa wiki 8 za hivi karibuni zaidi

Taarifa ya mwajiri kwenye nembo ya barua ya kampuni (ikiwa ndani ya wiki nane za ajira)

Chapisho la Mfumo wa Uthibitishaji wa Mwajiri wa Mtandaoni (mshahara wa wiki 8 za hivi karibuni)

Nambari ya Kazi

Fomu ya kodi ya serikali kuu ya 1040 (mwaka wa hivi karibuni tu kutumika kwa uthibitishaji wa kujiajiri)

Stakabadhi za kuwaarifu watu kuhusu mafao wanayostahiki

Fomu ya HS-3177 ya Kuripoti na Uthibitishaji wa Kujiajiri

Uthibitishaji wa Mafao ya Utunzaji wa Mtoto - (Hii inatumika tu ikiwa mtumaji maombi anapokea mafao ya utunzaji wa mtoto):

Agizo la Mahakama

Rekodi za Malipo

Uthibitishaji wa Uhudhuriaji/Uandikishaji Shuleni/Chuoni - (Hii inatumika tu ikiwa mtumaji maombi anahudhuria shule)

Ratiba ya sasa ya darasa kwa kila muhula/robo ya muhula – usajili na mahudhurio sharti zidhibitishwe, ikijumuisha ya madarasa ya mtandaoni

Uthibitishaji mwingine wowote unaohitajika kwa kila ombi ili kubaini ustahiki.

Jinsi ya Kuwasilisha Hati za Uthibitishaji wa Ustahiki wa mpango wa SNAP

Wananchi wa Tennessee wana chaguo chache wapowasilisha hati za uthibitishaji ili kupokea SNAP:

Pakia hati zinazohitajika za uthibitishaji kwa kutumia Wavuti wa Wateja wa One DHS katika <https://OneDhs.Tn.Gov/Csp>. *Hii inaweza kufanywa kutoka kwa simu mahiri, kompyuta kibao au kompyuta.

Kwa usaidizi wa kupakia hati, Bofya Hapa kwa ajili ya video ya mafunzo ya haraka au maagizo ya kupakua. Wateja wanaweza pia kutuma maombi kwa kupata Familia Kwanza, Msaada wa Muda wa Tennessee kwa Familia Zilizoa na Mahitaji (TANF), na Msaada wa Malipo ya Utunzaji wa Mtoto kwa kutumia Wavuti wa Wateja wa One DHS.

Wasilisha hati ukitumia moja ya mbinu tatu zilizoorodheshwa hapa chini:

Pakia ombi lako au hati zako mtandaoni kwa kutumia Wavuti wa Wateja wa One DHS. Bofya Hapa kwa video ya mafunzo ya haraka au maagizo ya kupakua.

Tuma ombi lako na nakala za hati zako kwa: Family Assistance Division, Department of Human Services
P.O. Box 620001, Memphis TN 38181.

Wasilisha hati ya ombi lako na nyaraka katika ofisi ya DHS ya kaunti yako. Bofya Hapa ili kupata ofisi ya eneo uliko.

Kidokezo Kuhusu Uwasilishaji wa Hati: Upakiaji wa hati kwa kutumia Wavuti wa Wateja wa One DHS au rasilimali za ofisi ya TDHS kunaweza kupunguza muda wa uchakataji wa maombi. Wateja wanaochagua kutuma barua au kuacha maelezo kwa TDHS kama sehemu ya utumaji wa maombi, uthibitishaji au mchakato wa kuripoti wanapaswa kutuma nakala za rekodi za kibinafsi na wasitumie hati halisi kwa vile huenda hati zisirudishwe.